



東華錄



		二二四九	漢書門
一六	九〇	九	
冊	架	函	號類

庫文閣內		
二六	二二四九	漢
函	一六	書
一	九	
架	冊	號類

內閣文庫	
番號	漢 2349
冊數	16 (13)
函號	286 101



東華錄卷之十三

淺草文庫

湘源蔣良騏干之父

雍正二年正月年羹堯奏侍郎常壽彙西寧
往青海為羅卜藏丹津所獲旋放歸筆帖式

多爾濟死之授四川提督岳鍾琪為奮威

將軍命西白旗蒙古都統武格總管殺虎

口至阿爾泰一路軍營事務諭內閣廣東



為錢糧正見破壞
圖幸此計司通病

總督楊琳辦理鹽務以來聞將窮民生理盡
行霸佔百姓怨憤夫錢糧雖屬際要當為百
姓存留微利養生若既為錢糧起見又圖自
己取利絲毫不與百姓使窮民失所成群竊
盜其害較缺欠錢糧為更大矣務須謹慎廉
潔從公辦理方屬稱職不可只為錢糧起見
不顧百姓 年羨克奏今年正月西寧東北

郭隆寺眾喇嘛忽聚兵拒戰臣遣岳鍾琪同
前鋒統領蘇領副都統覺羅伊禮布等進剿
賊眾迎敵於哈拉直濟我軍奮擊斬殺數千
擄其三嶺燬其十寨遂沿途燬其七寨焚居
室七十餘所次日抵郭隆寺前後斬傷六十
燬其寺隨將達克瑪胡土克圖正法 二月
諭刑部部內彙奏本內有罪應割筋者定例

固然但割後即成廢人理宜審慎嗣後滿洲
人有此罪之案另行具奏禮部遵旨請于
現任真定知府朱之璉一支內檢選引見擇
取一人隨差官同往祭告明太祖陵及昌平
十三陵春秋二祭呈明前往後之九月封
之璉一等候世襲旌內人丁俱入止白旗
年羹堯奏據岳鍾琪報二月初八領兵出口至

烏蘭博爾克賊人逃散隨三路追勦岳鍾琪
至伊克哈爾吉擒獲阿爾布坦溫布德兵黃
喜林擒獲巴珠爾阿喇布坦溫布德兵克拉
布坦收撫逃散部落尚書勵廷儀請團練
民壯於每州縣選取五十名分習器械尤壯
者拔為頭役旨此奏甚好嚴諭各督撫實心
奉行年羹堯奏臣令涼莊道蔣洞率兵分

五路追勦石門寺殺死喇嘛番賊六百餘人
燬寺而還。刑部議五臺山喇嘛鎖訥木元
旦強姦民人杜青雲妻王氏王氏持刀詈拒
至夜忿溢應建坊入祠喇嘛犯姦應比光棍
為首例立決着為令從之。三月河撫石文
焯奏請將捐穀耗羨銀兩收存司庫留充公
用奉。上諭耗羨存庫不過暫寄以備地方
公用斷不可歸入錢糧之內凡此等羨餘概
不得牽混正項國家經費自有常額若將此
入正項爾等羨餘必仍另取不特名實相違
且恐移東就西反致滋弊。年羹堯奏旨遣
岳鍾琪率大將軍往勦青海擒獲羅卜藏丹
津之母阿爾大喀屯及其妹大克勒克濟農藏
巴吉查等並男女牛羊無數於烏蘭穆和兒

隨分兵至烏蘭由克擒獲次拉克諾木齊扎
錫敦多卜并男女駝馬并助亂之八台吉亦
俱擒獲羅卜藏丹津帶二百餘人逃竄潛匿
授年羹堯一等公岳鍾琪三等公餘賞給有
差命原任將軍宗查布總管殺虎口至阿
爾泰一路軍臺並辦理遷移臺站事務遣使
勅諭準噶爾台吉策妄阿喇布坦年羹堯

奏阿拉布坦蘇巴泰等截路搶奪臣令總兵
孫繼宗等進勦追敗之於推墨爾賊盡棄牲
畜止率妻子遁去江西巡撫裴率度摺奏
湖口關稅贏餘應悉解部奉旨不准年羹
堯奏官兵敗賊于梭羅木夾木燉堪布喇嘛
及垂扎木索遁走渝木巴台吉擒斬之年
羹堯奏今策妄阿喇布坦恭順遣使雖事屬

未完而兵可暫撤請於巴爾庫爾吐魯番哈
密布隆吉爾寧夏賀蘭山之外等處酌駐兵
丁餘俱撤回原處議從之 四月以青海平
定遣官祭告 諸陵 兵部叅奏允祇奉使
口外不肯前往捏稱有旨竟在張家口居住
得旨廉親王允禩議奏允禩尋議應行文仍
令允祇前往差遣之處得旨再議 允禩又議
應革去多羅郡王交宗人府永遠禁錮得旨
允祇卑鄙性成行止妄亂抑且賦性陰險恣
意崛強且廉親王所奏或出至誠或蓄他志
在朕猶自遲疑未信此事惟賴諸王大臣公
忠辦理着速議奏尋奏議革去郡王永遠禁錮
得旨允祇之事交于允禩者特以觀其何如
處置向來允禩允禵允禑允禛等俱聽允禩指示

即便遵行。故朕望允禩教誨伊等使之改過。乃不但不行教誨。反激成伊等妄為。將欲朕將伊等治罪。以受不美之名。豈知此等無禮無義。乖戾犯法之弟。治之以罪。適足以昭朕無私之善政。何碍之有。朕今施以恩澤。而不知感喻以法令。而不知懼。朕有當明罰勅法。雖係兄弟。亦難顧惜。諸王大臣。應將允禩素行與今所作之罪。明白指陳。或照允禩所議治罪。或加等減等之處。請旨定奪。年羹堯奏。侍郎達烏等領兵擒獲阿布濟車陳台吉於布哈色布蘇。平定青海。將造惡逆首吹拉克諾木齊阿爾布坦溫布藏巴扎布三人。逆來京獻俘。太廟。宗人府參奏貝子允禧。差往西寧居住。擅自遣人往河州買草踏。

看牧地抗違軍法肆行邊地得旨允禔草去
貝子撤佐領之處俱着寬免一年奏
臣副將岳超龍等收敗河州口外鉄布等四
十一寨勦取三十七寨擒獲無算諭王大
臣等允禔不肯前往奉差地方並不請旨私
自回來詐稱抱病任意書入邊界朕已寬容
數月伊毫無惶懼之意公然居住彼處近召
入王大臣等嚴降諭旨允禔料已稔悉亦竟
不差一人前來謝罪殊失人臣之節着革去
王爵調回京師永遠拘禁允禔之子與伊家
產及佐領人員如何措置并拘集處所該營處
請旨閏四月陞兩淮鹽政右僉都御史謝
賜履為左副都御史仍管鹽政
上御午門樓前楹陞寶座受俘兵部官率解

俘將校將吹拉克諾木齊三人白練繫頭跪
伏兵部堂官奏所獲俘囚謹獻闕下
上命交刑部刑部官領旨兵部官引俘押出
王以下各官行禮畢

上回宮 諭宗人府及部院宗室阿布蘭朕
由輔國公封貝勒賞給佐領令總理事外人
不知以為阿布蘭奏聞二阿哥鑿書下事故

爾擢用不知鑿書事敗阿布蘭尚自遲疑來
奏係貝勒蘇努指使奏聞非其本心也而且
素行卑污前大將軍允禩自軍前回伊特出
班跪接後來宗室公子諸王阿哥並無此例
也宗人府建立碑亭阿布蘭以翰林撰文不
佳另行改撰惟稱贊大將軍允禩朕即位後
伊復行磨去似此罪惡種々作何治罪之處

着會議尋議上旨革去貝勒仍在輔國公上
行走佐領撤出 諭漕督及直隸山東河南
撫各省旗丁理應守法數年前浙江湖廣糧
船彼此爭鬪持戈放箭致有殺傷又聞前冬
守凍山東竟行搶奪去歲又聞強取百姓衣
物此等大干法紀嗣後該督即奏聞于彼地
正法決不寬貸可預行曉諭 五月諭河撫

石文焯等有人條奏河南河工買草辦運及
搶工夫役州縣係派累里民覽之不勝駭異
朕推心置腹任用爾等凡有累民之舉概令
據實入告而爾等竟若罔聞政事乖方一至
於此朕亦無可諭爾等恣曾筠田文鏡同看
諭例內雖有父母年老家無次子應存留
養親之條但究徒悖此有意傷人亦未可定

已死之人亦屬可矜嗣後視其所犯輕重作何飭令多出銀兩給死者家若不給與仍照原擬治罪爾部定例議奏直省武鄉試照會試例擇弓馬嫻熟技勇出群者另立好字號從侍郎史貽直請也六月闕里聖廟災

七月大學士奏松江提督高其位言飛鴉食蟲秋禾豐茂請宣付史館旨不必行一年

美堯奏臣奉旨親至寧夏渠口中為漢渠東為秦渠西為唐渠唐渠之中向東分流者為我大清渠溉田不啻萬頃見在尚無倒塌間有衝決修築甚易查寧夏設有水利都司候收穫水涸查勘修理從之八月諭都察院嗣後外省督撫有懷挾私心背法逞威如四川撫蔡埏之逼死重慶知府蔣興仁浙撫黃

請也下 禮部也

叔琳之杖斃無辜小民等給事中御史若受其請託賄賂瞻徇狗隱瞞任朕訪聞將堂官併議處以闕里孔廟災雖支正項錢糧修理亦聽內外儒臣量力捐出修理各該地方學官并祭器不備者勿強從少詹錢以壇請禮部遵旨議從祀孔廟宜復者六人林放遺瑗秦再顏何鄭康成范甯宜增祀者二十

人孫亶收皮樂正子公都子萬章公孫丑諸葛亮尹焞魏了翁黃幹陳淳何基王柏趙復金履祥許謙陳皓羅欽順蔡清陸隴其八宗聖祠者一人張迪宜增置博士者四人冉雍冉伯牛子張有若依議九月富寧安奏阿爾泰調來之盛京烏喇右衛察哈爾土默特兵二千名交都統良敦自巴爾庫爾起程各

回原處。將山西丁銀併入地糧。後布政使
高成齡言也。七月山東巡撫陳世倌奏合
屬紳士公捐修理文廟銀四萬兩。旨著動正
項錢糧修理。此捐銀不准行。兵鍾琪奏副
都統達鼐等領兵窮追羅卜藏丹津。直至花
海子。獲丹津渾台吉及其妻子。並招撫三十
三家台吉。旨嘉獎賞賚有差。封明裔知府。

賚

朱之璉為一等侯。入正白旗。十一月諭朕令
廉親王總理事務。凡伊所辦事皆要結人心。
欲以惡名加之朕躬。後令伊管理工部。凡關
係錢糧。應嚴追者。伊欲市恩。竟行寬免。應寬
免者。反行嚴追。小事故作寬容。不顧事理之
是非。大事有錯。便事承當。欲以抗違朕旨。前
工部郎中岳周。遲誤柴炭。廉親王既已題奏。

侯

隨私帑銀數十兩以此施恩欲收衆人之心
今岳周竟以銀二萬兩許大將軍年羹堯
荐為布政使訊問皆寔是廉親王有心玷朕
之名也朕屢教諭並不改悔必欲擾亂國政
不使允禩允禔允禵等過於富厚者本為此
也允禩居心行事如此如有無恥小人受其
引誘入其黨與必治以重罪 雲督高其倬

奏進剿貴州定廣狝苗直抵賊巢擒渠魁阿
進暨其弟阿卧及妻子賊黨等旨嘉獎賞賚
諭內閣九卿詹事科道等歷年戶部庫帑
虧空數百萬朕在藩邸知之甚悉此乃國家
經費所關故特令怡親王管理任查出寔在
虧空二百五十餘萬深以追補為難請以戶
部所有襍費逐年代完約計十年可以清楚

此怡親王欲善為歸結之意朕諭交戶部尚
書孫渣齋辦理只今伊查明經手官員量力
派令完補乃孫渣齋徇情庇護私人又有曾
瞎子一案情罪寔不容逭將孫渣齋革職其
各員名下應追銀兩照所派數目作速追繳
其餘一百萬兩照怡親王行請在戶部逐年
彌補若各員應行追完之項將來仍不全完

則按律治罪不能再寬矣至于怡親王欲上
補國課下全眾員多方籌畫辦理此事甚屬
可嘉而無知嫉妬小人反謂王過於刻薄不
但昧於天理即人情公好之一念何在乎
十二月二阿哥允初薨追封為和碩理親王
謚曰密高其倬奏雲南魯魁小猓賊方景
明等擅攻村寨肆行搶掠遣兵剿捕斬擒淨

畫旨嘉獎 鎮守茂岱察罕叟爾等處將軍
丁壽授為參贊以巴爾庫爾營前鋒統領錫
克登代之 命立昭忠祠祀開國以來致命立
功者

三年正月戶部遵旨議奏遣官於直隸國安
縣擇官地一百頃為井田從之 二月定布
隆吉爾為安西鎮設總兵遊擊等官兵五千

名 召王大臣等諭曰朕因貝子允禔行事
悖謬在西寧地方縱容家人生事妄為時着
都統楚宗往彼約束令據楚宗奏臣至西大
通允禔並不出迎請安良久始令臣進見允
禔並無擾懼之容臣令出院跪聆諭旨允禔
並未叩頭即起立向臣云諭旨皆是朕自何
說我已欲出家離世有何亂行之處等語全

無人臣之禮朕兄弟中如允禔允禩允禵允禟等允禔在

皇考時結党妄行以致聖心憂憤允禵從西寧來京並不奏請

太后安亦不請朕安反先行文禮部問其到京如何行禮儀注及叩謁梓宮後見朕遠跪不前彼時拉錫掖之使前伊出遽將拉錫

詈罵及梓宮舉移山陵朕因允禵倨傲不恭降旨訓誡而允禩忽從帳房中出勸令允禵跪而允禵即跪是事、聽從允禩之言為其指使其明驗也又允禵奏摺中有我今已到盡頭之處一身是病在世不久等語有何屈抑而出此怨望之語乎至若允禩奉旨送澤卜尊丹巴胡土克圖至張家口外乃托

必有

病不行又私與允禔暗相往來餽送馬匹允
禔回書有事概已失悔之無及之語悖亂已
極允禔又私行禳禱將雍正新君字樣連寫
疏文之內甚屬不敬蓋由允禔等私結黨援
牢不可破若一任訛誥則國法難容朕居心
寬大不欲為此務欲保全骨肉阿靈阿鄂倫
岱之人原係允禔等之黨首罪惡至重朕念

係

皇祖妣

皇妣之戚不忍加誅從寬發往奉天令與阿
爾松阿一同居住伊既遠離京師庶不致遇
事煽惑大小臣工若有暗附其黨者必置之
重辟總之朕兄弟中積習沉痾既不能懾之
以威使其悔改而加意施恩又終不感化若

必盡拔根株朕心寔有不忍惟欲爾等共知
朕心耳三月湖北巡撫何齊喀報荊州有
巴東縣北低倍溪地方忽涌鹽泉居民煎煮
每日得鹽約二百餘斤請照准鹽行引從之
左副都御史謝賜履緣事降調 蠲免蘇
州府正額銀三十萬兩松江府正額銀十五
萬兩 四月吏部議原任檢討董圮乞終養

應准所請俟親終來京候補得旨為人子者
無不欲其父母常存今疏內聲明親終服滿
補用人子聞之何以為情似此等不仁之語朕
不忍降旨亦不忍閱覽着刪去具奏 諭近
來年羹堯妄舉胡期博為巡撫妄奏金南瑛
等騷擾南坪塞番民詞意支飾含糊具奏又
將青海蒙古飢饉隱匿不報此等事件不

可枚舉年羹堯從前不至于此或係自恃已
功故為怠玩或係誅戮過多致此昏惰如此
之人安可仍居川陝總督之任着調補杭州
將軍其總督印務着岳鍾琪連赴西安署理
署山西撫伊都立叅年羹堯擅估鹽商印
票增引十萬道又將應行收貯正課擅自動
用又差知縣殺士俊于山西拿獲私茶將茶
變價銀五萬兩又擅罰茶犯王欽菴等銀九
萬兩假捏商民私佔鹽窩招搖生事得旨遣
侍郎史貽直高其佩前往審理 諭朕從前
將御前侍衛揀發年羹堯處特欲効力軍前
並非供伊隨後也乃伊不用於公務俱留在
左右使擺對墜鐙前引後隨是誠何心總督
並無跪接大將軍之例伊去年來京陛見途

中令總督李維鈞巡撫范時捷等跪接青海
無罪犯蒙古王等亦令下跪阿寶係扎薩克
郡王本朝額駙亦竟令其下跪如此僭越無
知着年羹堯明白回奏 岳鍾琪奏查親王
察罕丹津松拉查卜等諸台吉部落居住黃
河之東切近河州去松藩不甚遠請仍令在
河州松藩貿易河州定于土門關附近之獲
城堡松藩定于黃勝關之西河口再查郡王
額爾得尼厄爾克托克托奈郡王色卜騰扎
爾等諸台吉部落住收黃河西邊相近西寧
請將貿易之地移在西寧口外丹噶爾寺至
蒙古貿易全籍牲畜每在六月以後請每年
不定期限聽不時貿易從之 五月李維鈞
奏向與年羹堯通問稀疏近與相絕奉 上

諭據奏殊為狡辯。西安總督署前未有隔五日不見直隸總督李維鈞之使者，眾自昭彰，但人非聖賢，孰能無過。如奮然易轍，尤可謂之勇。於自新似此巧言粉飾，一旦發覺，罪無可逃，爾其思之。漢軍都統范時捷奏，本年羹克欺罔貪婪五款：一侵蝕運米腳價銀四十餘萬兩，一勒取捐納駝夫私費銀三十萬兩，一違旨勒派屬員公捐俸銀，一與將軍督撫文書擅用令諭，直書官名，一保舉題補各官悉多營私受賄。應將年羹克并通同欺罔之索成鼎、金啟勳、胡期恒及伊家人魏之耀、嚴大等一併劾部提拿治罪。昔着年羹克明白回奏。諭大學士等從前年羹克所奏事件，朕所降諭旨，並殊批旨諭甚多，有交部者。

殊

有未交部者其前後所奏事件每有互相舛
謬之處爾等行文年羹堯著將諾木渾等帶
往杭州一切所奏事件奉朕所諭旨並硃批
諭旨俱察明具奏 諭禮部前僧人宏素處
稱有朕昔年賞賜金鋼經一部上有朕製序
文昨日齋到文與字俱非朕筆且將朕名書
寫錯朕甚不可解朕在藩邸時因與柏林寺
相近間與僧人談論內典並非以僧人為可
信用也况今臨御天下豈有密用僧人贊助
之理近日宣化薊州等處竟有僧人假稱朕
旨招搖生事者已經發覺懲治此等於朕聲
名大有關係爾部不可不嚴禁年來各處呈
繳御筆今限期已滿尚有未繳者爾部嚴行
各省再限一年務令全繳倘有隐瞒言行治

剛

罪。六月，草年美克子年富年興職及隆科
多子玉桂奎儀使職。吏部等衙門遵旨公
閱年美克奏摺疏恭年美克受皇上莫大之
恩，乃狂妄悖逆，罪大彌天，為天地之必誅。臣
民所共憤，請鎖拿來京，嚴審正法。旨：俟年美
克回奏到請旨。諭吏部：朕從前恐天下督
撫叅劾屬員，或有不公，致受屈抑，曾降諭旨。
令歷年廢官具呈都察院查核題明，引見當
任。補見數員，朕為天下主，一夫不獲，尚厯朕
懷，豈可令郡縣司牧枉受冤抑乎？朕屢降諭
旨，令督撫秉公辭恤屬員。今年美克叅金南
瑛等皆屬誣枉，滿保叅汀州知府何國棟有
意揣摩迎合，朕深鄙其為人。法海叅湖州知
府曹掄彬罪未協，恐此外尚有冤抑之員。

嗣後道府以下知縣以上各官有寔在寬抑
 被參降革者仍令赴都察院具呈確查原由
 核寔具奏其並無寬抑寔有罪愆混行具呈
 者重治其罪 命御門聽政日派翰林編檢
 四員侍班 七月內閣九卿詹事科道合詞
 劾奏年羹堯欺罔悖亂各款請加誅戮以彰
 國法得旨所奏乃在廷公論可降旨詢問各
 省將軍督撫提鎮平情酌議 降年羹堯為
 開散章京 山西撫伊都立參奏貝子允禵
 護衛烏雅圖等在平定州毆打生員請按律
 治罪 旨此事前諾岷未奏經朕降旨詢問始
 行題參內有李大成乃允禵家丁為首緊要
 太監諾岷竟為脫卸大負朕恩伊都立止據
 諾岷所審具奏疎忽殊甚着將李大成提審

寔情具奏。至于允禩，自来结纳党援，不守本分。其品行庸劣，居心妄自尊大。且伊携带数万金，前往西寧，買结人心。地方俱稱九王爺。伊不過一貝子耳，安得僭称王？允禩着革去貝子，並行文陝西督撫，嗣後仍有擅称允禩為九王爺者，從重治罪。山東撫陳世倌奏：小東通省丁銀，請攤入地畝內從之。八月。

草直隸督李維鈞職，以隱匿年羹堯保定家產財物也。九月，靖逆將軍富寧安奏策妄阿拉布坦遣使入朝，甚屬恭順。巴爾庫爾等處兵丁應行撤回，請將吐魯番等處有獲軍西安前鋒，于八月初二日自巴爾庫爾起程。其各路綠旗兵俱交提督路振聲領回。從之。領侍衛內大臣傅爾丹奏所有喀喇沁

土默特及歸化城之土默特兵丁俱各令帶
回原處。臣由鄂爾齊圖果爾起程，帶領京城
官兵赴京報聞。十月，提拿年羹堯來京。
十一月，宗人府遵旨議奏允禩心懷奸惡，市
恩惑眾，應革親王佐領，旨寬免。十二月，定
內閣侍讀學士翰林誼讀學士為從四品，翰
林侍讀侍誼為從五品。從內閣學士班第請

殘

也。直省督撫提鎮等陸續疏奏年羹堯欺
罔貪錢，大逆不道，請正典刑。下部知之。宗
人府參多羅郡王允禩，前任大將軍任意妄
為，苦累兵丁，侵擾地方，糜費帑項，旨降固山
貝子。議政大臣刑部等題奏年羹堯大逆
之罪五：一與靜一道人鄒魯等謀為不軌，一
將硃批諭旨輒取，做寫進呈，一見汪景祺西

征隨筆不行參奏一家藏鎖子甲又私行多
貯鉛子一為造圖識妖言欺罔之罪九僭越
之罪十六一出門黃土填道官員穿補服淨
街一驗看武官用綠頭牌引見一會府龍牌
設床正坐一用鶯黃小刀荷包穿四杈衣服
一用黃色袱一與屬員物令北向叩頭謝恩
一伊子穿四圍補服一總督巡撫跪道迎接

云云狂悖之罪十三專擅之罪六貪贖之罪
八侵蝕之罪十五忌刻之罪六殘忍之罪四
各款共九十二大罪供狀昭著

上念青海功令自裁年富立斬年遐齡年希
克草職免罪餘十五歲以上子孫發邊遠烟
瘴充軍嫡親子孫將來長至十五歲者陸續
發遣不赦不許為官有匿其子孫者以黨叛

送論抄沒家資現銀五十萬族中現任候補
文武官俱革職卸魯立斬親兄子侄發黑龍
江披甲為奴刑部等奏妄作西征隨筆之
汪景祺照大不敬律斬決旨汪景祺作詩說
訛

聖祖仁皇帝大逆不道應當處以極刑今大
臣定擬立決具奏姑從其請着立斬梟示妻

孛分別發遣

四年正月諭廉親王允禩狂悖已極允禵蘇
努吳爾占結黨構逆靡惡不為四人革去黃
帶子并除去宗人府名字尋革允禩妻福金
休向外家刑部等議奏隆科多挾勢婪贓
罪擬斬決旨革吏部尚書令其料理阿爾泰
等路邊事務二月命將允禩圈禁高牆授

卽魯特多羅郡王額駙車零旺布多羅貝勒色卜騰旺布貝子莽海等為北薩克將所屬厄魯特編為四佐領 三月大學士九卿等奏食侍講俸之錢名世作詩投贈年羹堯稱功頌德脩極諂媚應革職治罪得旨向來如錢名世何倬陳夢雷等皆頗有文名可惜行止不端立身卑污而錢名世自取罪戾但

倬

其所犯尚不至於死伊既以文詞諂譽奸惡為名教所不容朕即以文詞為國法示人臣之炯戒着將錢名世革去職銜發回原籍朕書名教罪人四字令該地方官製造匾額張掛所居之宅且錢名世係讀書之人不知大義廉耻蕩然凡文學之士必深惡痛絕其為切齒可令在京現任官員由舉人進士出身

是舉近戲做刺惡之意作詩文以付其人之一在想想也

共

者做詩人刺惡之意各為詩文紀其劣跡以
做頑邪并使天下讀書人知所激勸其所為
詩文一并彙齊繕寫進呈俟朕覽過給付錢
名世改允禩名為阿其那命丁壽等率
兵駐扎唐奴山前之特斯等處防禦策妄阿
喇布坦四月諭朕聞試官之內偶有學問
不及而所取之文未滿人意者是以去年朕

將在京科目出身官員應開列正副主考者
通行考試分別等第記名以備簡用今鄉試
屆期將記名人員掣簽命往使典試事諭
宗人府允禩著交與都統楚宗侍衛胡什里
馳駟從西安一踞來京沿途派兵看守伊妻
子家口着總督岳鍾琪巡撫圖理珍石文焯
等派兵嚴行看守五月改允禩名為塞思

黑

里 十七日文武大臣等奉 上諭歷年以
來朕之教弟昏昧無知不安本分其奸偽逆
亂之行爾等大臣從前雖畧曉一二何能盡
知爾等且不能盡知外間小人又何由知之
伊等為人存心行事朕目三四年共在一
處知之甚悉伊等僭妄之心悖逆之行及其
黨與於國家大有關係阿其那等歷年傷

南

皇考之心不孝不忠結為黨援擾亂國家其
罪倍甚于二阿哥從前阿其那塞思黑允禔
允祜等共為黨與包藏禍心將不守本分詭
誕之人百計千方引誘交結又將生事先亂
喇嘛僧道醫卜棍徒優人之屬種種貪利小
人留心收攬重利賄買各致死命以為伊等
在各處稱揚伊等美名串通內外奸偽之人

卷三

三十一

希圖大位有不入其黨者即妄加危言以恐
嚇之故不為其所籠絡不為其所欺蒙者蓋
少國家被其擾亂人心受其蠱惑外則與阿
靈阿鄂倫岱蘇努七十里壽等亂臣結黨往
來內則與

皇考御前侍衛拜唐阿太監等鑽營交結探
聽一切喜怒消息若非我

皇考神明聖智心如金石未有不為伊等詭
秘之計所動搖者伊等奸偽之計皆為我
皇考之所洞悉故窮困懷羞穴心益逞反將
皇考年高之人種、激怒無所不至

聖躬憔悴成疾皆阿其那等不忠不孝奸偽
結黨種、可誅之所致也知臣子者莫如君
父我

所以生諸皇子之類觀
者因早不立太子則
其正大光明偏下之
處名甚不是且康
澤萬一未及為此而
升遐或為此而急至
口噤不能言則豈不
萌奪嫡之奸謀乎

皇考曰阿其那不孝不忠惡貫滿盈深為震怒曾謂阿其那為亂臣賊子乃吳三桂之再世寔梁山之逆党父子恩已絕矣此等之旨難以盡錄

皇考之旨甚明伊等皆得罪於

宗廟

社稷

皇考之國法所當誅者也朕即位以來將伊等罪過俱暫寬免凡事教訓冀伊等解散党與去其僭妄之心改其悖亂之行將阿其那封為親王簡用重任俛理事務阿其那仍不改其覬覦悖逆之心奸偽之行凡朕所交之事俱有意欲敗壞之事以美譽自居欲將惡名歸之於朕其悖逆之心無少改悔處朕深

竟知之伊但究心稍萌朕即顯然曉示于
衆故伊計窮力絀知其悖逆之心奸偽之行
斷不能施布曰但欲朕加之誅戮意謂倘有
玷朕名譽之萬一以洩其忿種之擾亂全無
人臣之体竟至在衆大臣前發誓公然詛咒
連及朕躬舉動狂悖一至于此也封阿其那
親王之時伊妻家之親為伊賀喜阿其那等
即云何喜之有我頭不知落何日等語朕不
知其何心何故而出此言再阿其那在拘禁
之處向看守太監云我向來在家餐每止飯
一碗今加二碗我斷不願全屍以歿必使
見殺而後已等語豈有身為臣子而如此
暴虐悖逆之理即再阿其那於
皇考在日不能承歡奉侍以叨

君父之矜憐不能保其身勒之爵祿不能不
犯鎖拿之罪伊之乳公乳母之首領不能保
妻子不能保家財不能保則阿其那之才具
福分顯然可知矣夫阿其那以此才具福分
兼以不孝不忠挾其奸偽之心恣其所行之
事倘至此大位豈能上安

宗廟

社稷報答

祖父之恩澤被生民之衆哉果係誠心為大
清國之人未必願阿其那位登大寶也至塞
思黑乃係痴肥臃腫矯揉妄詐粗率狂謬下
賤無恥之人

皇考沒前不比之于人數弟兄輩亦將伊戲
謔輕賤即阿其那亦知其庸昧無能特引誘

愚弄使出奴力塞思黑曰阿其那事敗未稱
伊等之心數年間挺身覬覦大位者亦阿其
那將伊德惠之所致也朕即位以來曰伊等
斷不可置之一處將伊遣往西大通居住原
欲令其更改惡心逆行也伊竟朕之寬仁斷
不肯傷伊等身命不但不改其悖逆之心反
種之妄亂敢行自古人臣未行之事敢言自
古人臣未出之言祇欲激怒朕心務令誅之
而後已至於帶給允祇書札內有機會已失
悔之無及等語數千里寄此等悖逆書信毫
無畏懼如此不法是誠何心仰蒙

聖祖皇考隆恩養臣子三四十年之厚澤
豈有因未遂僭妄之私即怨望
君父與國為仇如此悖逆肆行有是理乎且

伊蠢然無知。行事悖謬。不量已才。不知羞恥。以不足此數之人。賄買棍徒。而小人惑於傳流之言。以為塞思里可邀大位。致使衆口紛紛。此亦世所罕聞也。而伊亦公然自受恣口。亂言。自古以來。亦未有不自度量。醜顏無恥。悖謬可殺。如塞思里者也。至允禩。生性糊塗。急暴。天地之高厚。亦不知為何如之人。

皇考知伊在家。必然生事。特遠遣出征在外者。允禩乃信柯其那。塞思里之唆誘。頓萌大志。自古有大志之人。豈有不顧身名美好之理。而允禩于出征處。妄費國帑。肆行貪饕。騷擾地方。又鑄營塞思里。令在皇考前。以為設設取青海台吉之女。逐日醉飲。種、淫、亂、貪、污之行。衆皆知之。允禩身為。

大將而所行之事有國法在有
皇考洞鑒在有公論在自當勉力粉飾邀譽
亦欲強忍遂伊稟望之心而乃醜行不法可
笑至于如此似此伎倆人品若至大位恣任其
意何所不為豈能為國家萬姓造福也亦不
過私心令伊同黨不忠不孝奸宄亂國當誅
之教人僥倖而已未必國家之福也朕即位
後即降恩旨將允禔喚回允禔于未到京之
間即露種之狂悖于到京之日向朕輕躁妄
行狀類棍徒其罪不可枚舉朕皆寬宥施恩
皇妣梓宮前封伊為王全不思報朕恩並不
改伊等朋黨之初心逆志益恣向朕種之欺
妄暴虐之心倍加近者蔡懷墨投伊院內字
帖內開二七變為王貴人守宗山以九五

母為太后教語。允禩不行奏聞。將要緊字樣
裁去塗抹。但交與總兵范時澤。令不論如
何究結。且云。並非大事者。其如此無法無天。悖
亂之行。即史書內亦屬希有。至于允禩。乃一
介下賤。原屬無恥之人。但知索取民財。爭奪
買賣。交結內侍。種之膏小刻薄。無恥劣惡之
處。難以屈指。舉國共知。阿其那將此等人。亦
行設法牢籠。令其出力。以為羽翼。阿其那等
心懷奸惡。擾亂國家。致煽惑人心。邀買美名。
结交匪黨。偏處稱揚。伊等不過欺人而已。豈
能欺

上天

皇考乎。阿其那等承歡

皇考者何處。効力者何處。有裨國家者何處。

利濟軍民者何處。施恩臣工者何處。有益兄弟者何處。且當

皇者聖明在御之時。阿其那為皇子。何得佞交外人。不曾與政事。有何善足稱。遂至人目之為佛者。何故耶。此皆伊等所佞朋黨作亂之徒。招搖惑眾。小人愚昧。入其机變。不審始末。虛寔之所致。甚顯然也。伊等如果有善

善之恐倒

可據。朕此教言。又安能淹沒伊等善之行乎。但眾多愚昧。伊等存心行事已久。眾人被其欺惑者深。朕若不如。此明白降旨。分晰伊等奸偽之術。亮惡之性。不孝不忠之行。眾皆難以知曉。今眾人但將伊等果如何好。如何似佛之處。自心稍為揣度。則若夢之醒。眾自曉然也。且當

皇考之時朕若欲以伊邀名不能致譽耶若
欲效伊等之所行豈力不能為之令耶祇因
上天照鑒可畏

皇考恩德甚重朕心不忍志負是以但寧靜
守分敬謹孝順于

皇考之前朕自幼時諸兄弟俱恭敬朕躬朕
于兄弟中亦並無私嫌而朕亦從無希冀大

位之念此

皇考所深鑒衆人所共知者也朕之兄弟中
往々有得罪

皇考朕身為之解釋調停以寬解

皇考之怒凡此不可枚舉現今諸王與

皇考親近侍衛俱悉知之朕非邀名而亦非
為伊等乃寔為

君父年高，仰体聖躬之故，是以堅持心志，為行之耳。蒞位以來，為國國家利害所關係，欲伊等改其兇悖之性，以及于善耳。設使朕先使有希冀此位之念，今已登此位矣。又于伊等何仇乎？朕從前若有被兄弟凌辱，或致朕于惡地，或于朕有虧傷處，如此等私怨，倘有一事，倘有一人，亦不必能掩衆人之耳目。

皇考在時，朕賴

皇考之恩，平安學習，已四十五年。此等不肖弟輩，與朕豈但不得敢言有仇隙，即些微一言之不合，亦未有也。朕臨御以來，日夜念皇考之付托深重，于政事竭力勤心，已經四載。爾衆大臣朝夕在廷，覲面奏事，豈有不知之理。自古帝王，未有如我

聖祖皇考之勤政者即

皇考之勤亦無自朝至暮辦事之理但朕甫
登大位因素性于事不好干預臣工皆所未
識政務皆所未經念

皇考付托之重大恐其險越遺漏故爾精勤
求治自晨至暮無間斷伊等不得窺朕之
瑒隙于元年二年間造言有謂朕每日早理

瑕

事日中即醉飲者又有謂朕日中醉醒日是
方理事者朕當時即已聞知諸卿寧不聞乎
朕後不能飲若彼時即降諭旨似乎弥謗亦
謂疏言處宴歷久自明故未即降諭旨經今
四載朕後前不飲之處衆已共知伊等見朕
勤理政事又

皇考以大業付托朕躬奸惡之後遂欲以不

美之名加之于朕以有過加之
皇考欲使天下擾亂不已故又造此等無稽
之言傳播聲揚甚有關係今郭允進作書拋
入塞榜額轎中書內因朕庚屬午遂指馬造
出異言相詈爾衆大臣亦忍聞乎又云十月作
亂八佛被囚軍民怨新主又謂朕即位以來
遭旱潦飢荒之災等語又各處粘帖書內可
云灾病下降不信此者即被瘟疫吐血而死
等語觀此寔乃阿其那塞思黑允禩允禔等
朋党之奸逞兇惡之小人行亂作惡之書辦
皂隸旂棍等貪取貨財訛詐尋事慣于鑽營
之徒見朕將部院衙門及各省私弊盡行除
革政治肅清此輩宵小之人不能行其剗掠
訛詐之事始移恨于朕不憚法度不畏死亡

造此等悖亂之語以搖動人心擾亂國家欲
使朕心疑畏將此輩惡棍朋謀之人容忍寬
假之意如朕之為人豈憚此不經之謠言乎
朕以賢聖大公至正之道治天下焉有因此
悖逆之言詞遂爾畏懼寬解之理乎謂阿其
那為佞者豈以其不孝不忠如鬼如蜮之行
乎不然伊又有何等忠孝仁慈之美行邪似

此凶暴惡詐奸險之佞誠自古所未聞者况
水旱疾疫世所有者此輩如此妄言倘更逢
其事衆即以其言為驗而信之矣所聞甚巨
朕即位三年以來幸叨

天貺衆所共知者此豈可以掩飾之事乎倘
非皇天眷佑稍合此輩造作之言又不知如
何造作謗訕矣如直隸去年偶值水災朕即

發粟數百萬石賑拯又令修治堤塘大開水利
利日軫念元之故動用數百萬帑金使直
省數百萬黎民竟若無事不歎糧食直隸通
省百姓之感戴亦難掩衆人之耳目天下軍
民朕愛之如赤子自臨御以來所以推恩于
軍民者甚備天下之人何故不戴朕恩反生
怨恨也且不知怨朕何事也豈即以懲治阿

其那等當誅之奸類故乎如果以懲治阿其
那塞思里乞瀝之故天下軍民遂至胥怨則
此輩寔國家之賊更斷不可由于人世矣如
朕即位三年有一事可致軍民之怨朕萬歲
后不能見

皇考在天之灵朕如有致軍民可怨之處
衆人即當明言今者內有郭允進之輩外有

蔡怀璧之徒任意造作各樣謠言將書字拋
置聲張寔國家之姦賊不可以不正法也我
朝自

太祖

太宗肇造區宇至我

皇考百有餘年滿洲等世沐恩深且當朕承
皇考之命嗣此鴻基天惟一日國止一君八

旂人等亦惟感戴君臣一心事朕而已似此
不忠不孝之輩擾亂國家妄行不法亂臣賊
子之居心行事八旂之人聆朕曉諭之旨當
必駭朕深燭其行事之悖亂當切齒而共恨
之者嗣后尔等各部院衙門八旂之內有如
此等妄造語言搖亂人心者汝等加意訪拿
誅殛數人群小自然戒懼不敢妄為矣倘知

之聞之故作不知被他處拏獲審出時將隱
匿之人罔犯人一例治罪寨榜額陳奏甚是
可嘉如此始可謂國家大臣大凡微賤小人
不知國家之大義怀奸隱匿以示私恩如塞
思里允灑等况關係己身之事直此等妄言
之人尚敢作不知縱之以示寬大此等非國
家之叛臣賊子而何且置法紀于何地乎從
前諸王大臣請將阿其那塞思里允灑即行
正法斷不可曲所奏甚為得理此輩色藏吳
心撓亂國政乃獲罪于 宗廟 社稷与我
皇考之人理應正法但伊等歷年結成党而
妄造語言壘惑人心久矣阿其那等種、奸
詐惡逆之事中外及八旗軍民人等尚未得
徧知此事乃關係

皇考及朕躬之事。今故將此革奸惡不忠不
孝大罪。備悉言明。使中外之人。昭朕盡曉。即
將此革正法。亦局當然。后日亦不得濫朕。即
如由之。亦不過數名死人耳。亦无所闕碍。汝

等謹記

此旨錄出恭覽后傳与京城内外八

旗軍民

人等一併知之此諭



東華錄卷之十三



文化茂展

